

Niðurlægður í Krónunni og krefst betra aðgengis að salerni

Karlmaður varð fyrir þeirri ömurlegu og niðurlægjandi lífsreynslu að kúka á sig eftir að starfsfólk Krónunnar meinaði honum notkun á salerni verslunarinnar. Maðurinn glímir við svæsinn meltingarfærasjúkdóm. Hann vill að stjórnvöld gefi út skirteini fyrir fólk í slíkri aðstöðu sem veiti því forgang á salerni.

HEILBRIGÐISMÁL Karlmaður með sjúkdóminn sáraristilbólgu (e. colitis) kallar eftir því að stjórnvöld útbúi skirteini fyrir þá sem glíma við hann eða sambærilega kvilla. Skirteinið myndi veita sjúklingum forgang á salerni hvar sem þeir eru staddir. Maðurinn lenti í því í vikunni að kúka á sig eftir að starfsfólk Krónunnar í Nóatúni neitaði honum um aðgang að salerni í húsinu.

„Þetta var eins niðurlægjandi og það getur orðið. Þegar svona gerist verður maður alveg þínulítill,“ segir maðurinn við Fréttablaðið en í ljósi atvika málsins kaus hann að segja ekki frá atvikinu undir nafni.

Einkenni sáraristilbólgu og Crohn's sjúkdómsins eru um margt lík. Sjúkdómarnir eru langvinnir og herja yfirleitt á nedri hluta þarmanna og ristilsins. Einkennin eru tíðar og óvæntar salernisferðir. Oft valda bólgunar blæðingum og því vill valla gangurinn oft verða blandaður blóði. Í alvarlegustu tilfellum skilar líkaminn nær eingöngu blóði af sér. Sjúkdómarnir eru ólæknandi en möguleiki getur verið að draga úr einkennum með breyttu mataræði.

„Sem stendur er ég meðhöndlaður með sex tegundum lyfja sem halda þessu örlítið í skefjum. Þegar ég var sem verstur var ég að fara á klósettið upp undir tuttugu sinnum á dag. Blóð og alls konar viðbjóður fylgdi þessu,“ segir maðurinn. Það sem hafi verkað best á hann sé hampolía en hún sé ólögleg hér á landi. Þau skipti sem hann hafi



Fréttablaðið hafði samband við framkvæmdastjóra Krónunnar en fékk ekki svör. FRÉTTABLAÐIÐ/ÞÓRSTEINN

Þetta var eins niðurlægjandi og það getur orðið. Þegar svona gerist verður maður alveg þínulítill.

Karlmaður með sáraristilbólgu

reynt að útvega sér slíka hafi sendingarnar verið stöðvaðar af tollyfirvöldum.

Hann segir sögu sína ekki vera einsdæmi. Fleiri en hann hafi lent í því að verða brátt í brók á almannafæri eða í verslun. Í einhverjum tilfellum hafi umráðamenn salerna neitað fólk um notkun þeirra og þá sé lítið við því að gera. Náttúran og sjúkdómurinn hafi sinn gang.

„Þetta er ekki í fyrsta skiptið sem ég hef lent í sambærilegum aðstæðum. Niðurlægingin og reiðin er slík að maður krypplast eiginlega. En hlutirnir lagast ekki nema þeir séu

ræddir svo það verður einhver að taka það á sig,“ segir maðurinn.

Að sögn mannsins eru samtök þeirra sem sambærilega sjúkdóma hafa frekar máttlaus. Flestir starfi þar í sjálfböðavinnu.

„Í Bretlandi hefur sú leið verið farin að prenta út skirteini fyrir fólk í þessari aðstöðu. Skirteinið veitir því í raun forgang á salerni og biður umráðamann þeirra, til að mynda í verslunum, vinsamlegast um að hleypa viðkomandi á klósettið. Það ætti ekki að vera mikið mál að framkvæma slíkt hér á landi,“ segir maðurinn. joli@frettabladid.is